

UGOVOR **o nabavci pogonskog goriva**

Ugovorne strane:

- 1. MINISTARSTVO UNUTRAŠNJIH POSLOVA KANTONA SARAJEVO**, Sarajevo ul. La Benevolencije broj 16, koje zastupa ministar mr. Ismir Jusko (u daljem tekstu: Kupac) i
- 2. "HIFA PETROL" d.o.o. Sarajevo, Hotonj bb**, Vogošća, koga zastupa direktor Hajrudin Ahmetlić (u daljem tekstu: Prodavac)

PREDMET UGOVORA

Član 1.

Predmet ugovora je nabavka pogonskog goriva za potrebe Ministarstva unutrašnjih poslova Kantona Sarajevo, nakon provednog otvorenog postupka uz primjenu e-aukcije na osnovu Odluke broj 01-11-4-3971 od 30.07.2020. godine i Obavještenja o nabavci broj 1364-1-1-62-3-50/20 od 31.08.2020. godine.

Ugovor je sačinjen u skladu sa Okvirnim sporazumom broj 01-11-4-3971-8 od 01.12.2020. godine.

Ponude Prodavca broj JN-4045/20 od 21.09.2020. godine i Izvještaj o provedenoj e-aukciji od 11.11.2020. godine čine sastavni dio ovog ugovora.

CIJENA

Član 2.

Ukupna vrijednost ovog ugovora sa taksom iznosi 33.147,62 KM (bez PDV-a). (tridesetihiljadestotinučetdesetsedam i 62/100 KM).

Jedinična cijena za jedan litar pogonskog goriva se obračunava prema važećem Obrascu o promjeni cijena (OPC-u) umanjena za popust ostvaren na e-aukciji, koji iznosi 7,79%.

Taksa se obračunava u iznosu od 0,01 KM/l.

Cijene su nepromjenjive sve dok Federalno ministarstvo trgovine ne odobri promjene cijena naftnih derivata. U slučaju promjene cijene Prodavac se obavezuje dostaviti važeći Obrazac o promjeni cijena Federalnog ministarstva trgovine.

NAČIN PLAĆANJA

Član 3.

Kupac će ugovorenu cijenu plaćati u roku od 15 (petnaest) dana po isporuci i dostavljanju fakture.

ROK ISPORUKE

Član 4.

Prodavac je dužan da izvrši isporuku odmah po narudžbi i u skladu sa potrebama kupca na lokacijama navedenim u TD i prihvaćenoj ponudi.

U slučaju kašnjenja u isporuci roba, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe.

Odabrani ponuđač je dužan platiti ugovorenu kaznu u roku od sedam dana od dana prijema zahtjeva za plaćanje od ugovornog organa.

ODGOVORNOST I VIŠA SILA

Član 5.

Prodavac se obavezuje da će dostaviti bankovnu garanciju za izvršenje ugovora u iznosu 10% ugovorene vrijednosti, u roku od deset dana od dana obostranog potpisivanja ugovora sa klauzulom plativo na prvi pisani poziv korisnika garancije i bez prava prigovora, sa ukom važnosti rok izvršenja ugovornih obaveza + 30 dana.

Član 6.

Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

ZAVRŠNE ODREDBE

Član 7.

Ugovor stupa na snagu potpisivanjem ugovornih strana, a traje do realizacije ugovorene vrijednosti, a najduže do isteka važenja Okvirnog sporazuma.

Član 8.

Ovaj ugovor sačinjen je u četiri istovjetna primjerka, od kojih po dva primjerka zadržava svaka od ugovornih strana.

PRODAVAC
"HIFA PETROL" d.o.o.
direktor
Hajrudin Ahmetlić



Broj: 2862/20
Datum: 11.12.20



KUPAC
MUP KANTONA SARAJEVO
minister
mr. Ismir Ćusko

Broj: 01-11-4-3971-9
Datum: 07-12-2020